


928
7
1


後村先生大全集

後
集
先生



四庫全書





後村先生
大全集

四部叢刊集部

上海涵芬樓景印舊
鈔本原書板心高營
造尺六寸八分寬四
寸三分強

後村先生大全集序

後村先生以文章名當世初集本未刊時四方之士
隨所得爭傳錄之而見者恨未廣也予戊申備數守
莆方得前集刊之郡庠于時紙價倍常及後村兩自
京還石塘小孤山二友始求公近稿

二十

年共成後續新三集今此書傳流遍江左矣後村

任送終之責各盡其心季子季高既成負

土之役又

為一部而彙聚之名以大

全共二百本其本差小將

誦也將成

先以寄余余曰太白沒伯禽尚幼遂以文稿

陽冰樂天因佳兒蚤夭自以文集錄為三本分寄聖善南寺諸上人珍愛其文如此而不

能有子以傳之死生之際遺憾蓋可知也今先生之文既行於世而季高又拳拳及此先生之無遺憾謫仙醉吟所不及多矣季高名山甫先生第三子也咸鴻六年歲庚午秋九月菊日竹溪林希逸書

後村先生大全集序

六一翁嘗言讀班固藝文志唐四庫書目見著書之士不可勝數而百不一二存毋異草木榮華之飄風鳥獸好音之過耳瞬息銷磨古今同恨韓退之有言莫為之後雖美而不傳其故實在於斯至若以文名世者家有賢子孫能紹祖父書香昭箕裘於不墜則其文久而彌彰流傳不朽矣吾家季高自少時即妙言語人以小東坡目之暨長學益進文益工聲名益盛樂與坡並稱季高父後村公以文章名天下有前集刊于莆既而後續新三集復刊于玉融四方

板為書坊翻刻而卷帙訛繁非巾箱之便季高姪乃以人便於收覽會閩閩有受後村

之知者或告以所刊略

公移令郡縣索

板而毀予聞而語鄉牧石礪陳侯宜且

學職審訂果略則益之訛則改正之脫毀之則恐流傳稍類毀坡集之公案人未易家曉也陳侯曰

然於是不果毀而上其板于閩以故中輟或謂季高曰近代省齋誠齋集皆其子曰綸曰長孺與士友編定銀木於家故迄今皆善本而陸務觀渭南集亦其幼子適刊于溧陽學官為父刊文集非不應為者宜

不在併案之科子何疑焉至是始成部帙遂志所云于竹溪序引之後以解識者之感若夫典麗清新腴贍簡古之褒則有先朝之宸奎在屋下人何容贊一辭季高名山甫咸瀉壬申中春姚銜劉希仁書

內制

卷六十至卷七十五

外制

卷七十六至卷七十八

奏申狀

卷七十九

廣鹽江臬二司申奏狀

卷八十至卷八十一

掖垣繳駁

卷八十二至卷八十三

玉牒初草

卷八十四至卷八十五

商書講義 論語講義 周禮講義

卷八十六至卷八十七

進故事

卷八十八至卷九十三

記

卷九十四至卷九十八

序

卷九十九至卷一百十一

題跋

卷一百十二

字說雜記附

卷一百十三至卷一百十五

表牋

卷一百十六至卷一百二十四

啓

卷一百二十五至卷一百二十六

雜啓

卷一百二十七

上梁文樂語 四友除授制附

卷一百二十八至卷一百三十四

書

卷一百三十五

祝文

卷一百三十六至卷一百四十

祭文

卷一百四十一至卷一百四十七

神道碑

卷一百四十八至一百六十五

墓誌銘

卷一百六十六至卷一百七十

行狀

卷一百七十一

疏

卷一百七十二

青辭

卷一百七十三至一百八十六

詩話

卷一百八十七至卷一百九十一

長短句

卷一百九十二至卷一百九十三

書判

卷一百九十四

行述

卷一百九十五

墓誌銘

卷一百九十六

謚議

黨銅人俱燼先生骨尚香小詩拈未出何以侑椒漿
北來人二首

試說東都事添人白髮多
寢園殘石馬廢殿泣銅駝
胡運占難久邊情聽易訛
淒涼舊京女妝髻尚宣和
十口同離化今成獨雁飛
飢鉏荒寺菜貧著隘蕃衣
甲第歌鍾沸沙場探騎稀
老身閨地死不見翠鑿歸

北山作

骨法枯閑甚惟堪作隱君
山行忘路脉野坐認天文
字瘦偏題石詩寒半說雲
近來仍喜曠閒事不曾聞
早行

店姬明燈送前村認未真
山頭雲似雪陌上樹如人
漸覺高星少纔分遠燒新
何須看候子來往暗知津

黃檗山

出縣半程遙松間認粉標
峯排神女峽寺創德宗朝
鶴老巢高木僧寒曬墮樵
早知人世淡來住退居寮

第三龍湫

絕頂謁龍公森寒石作宮
路盤青壁上瀑瀉白雲中
僧說聞雷出人疑與海通
幾時陰晦夜來此看擎空

客中作

漂泊何須遠離鄉即旅人
炊新嘗海品書刺謁田鄰

家寄寒衣少山來曉夢頻小兒仍病瘧詩句竟無神
小寺

小寺無蹊徑行時認蘚痕犬寒鳴豹似僧老瘦於猿
澗水來旋磨山童出閉門城中梅未見已有數株繁

晚春

花事匆匆了人家割麥初雨多田有鶴潮小市無魚
毛筆回僧簡袈衣看古書經年稀見客磬折轉生疎

哭葉孝錫教授

瘴雲深處死大鳥奈君何詩友俱來吊埋名久未磨
箕裘無子繼書畫落人多舊宅今移主斜陽掩涕過

夜過瑞香庵

夜深捫絕頂童子旋開扉問客來何暮云僧去未歸
山空聞瀑瀉林黑見螢飛此境唯予愛他人到想稀

送薛明府

長官三載內屢被督郵嗔靜鎮笞刑少公清縣庫貧減
租霑野老掃榻待詩人祇恐覓飛後民間事事新

蒜嶺

到此思家切寒衣半淚痕燒餘山頂禿潮至海波渾
僕怕昏無店人閒近有村吾生輸野老笑語掩柴門

示觀老

住山仍黑瘦瓶錫極蕭然頂髮干莖雪跣趺一縷烟
禪堪拈出衆詩亦長於前燒盡西窓燭相看各不眠
武步道中

一路荒涼極無端過此頻官於鹽起稅俗事盡為神
暝色初逢驛溪聲只隔林留題空滿壁不見有詩人
浦城道中

纔入僊霞路重裘尚不支居人收柶實客子辦梅詩
地濕然箕坐霜寒隔被知向來真錯計不買草堂基
幽居寺

相傳有儒者唐季隱茲峰電已收遺藁雲方鎖暮鐘

木碑無世次石洞斷人蹤此士何曾死林深不可逢

天目寺

來人云虎出留此到昏鐘寺小於諸剎山高似衆峰
未寒先得雪已夏尚如冬老子曾游浙微微有辯鋒
哭容倅舅氏二首

老赴容州辟移書勸不回客迎蕭寺哭喪附海舟來
瘴雨銘旌暗空山梵磬哀未知墳上柏此去幾時栽
尚記陪言笑如今叫不應兒分身後俸僧上殯中燈
完有遺基在田無一畝增問天何至此在日以廉稱

吳大帝廟

露坐空山裏英靈喚不迴久無祠祭至曾作帝王來
壞壁蟲傷畫殘爐鼠印灰今人渾忘却江左是誰開
鐵塔寺

細認苔間字方知鑄塔時不因兵廢壞似有物扶持
古殿人開少深窓日上遲僧言明受事相對各攢眉
聰老

聰老才堪將髡緇意未平僧中能結客禪外又設兵
喜聽詩家話多知虜地情何當長鬚髮遣戍國西營
哭薛子舒二首

醫自金壇至猶言疾可為瀕危人未信聞死世皆疑

友共收殘藁妻能讀殮儀借來書冊子掩淚付孤兒
忍死教磨墨留書訣父兄讀來堪下淚寄去怕傷情
墓要師為誌詩於世有名夜闌秋枕上猶夢共山行

贈川郭

川郭顛狂甚平生扶術游老猶携侍女貧不謫公侯
用藥多投病酬錢或掉頭金陵官酒貴應典舊貂裘

贈錢道人

除了布裘外都無物自隨跌能行大雪飢但噉華池
說相言多驗嫌錢事更奇一般難曉處裝背貴人詩

張麗華墓

臺上柏蕭蕭空堂閉寂寞芳魂三尺土往事幾回潮
墮翠尋難見埋紅恨未銷猶勝江令在白首入隋朝

送鄒景仁

衝寒何處去新戍尚來年客勸休辭慢君言已買船
霜清江有蠓葉脫木無蟬若過東林寺携家往問禪

二將石侯韓存

二將同時死路人聞亦哀力窮塵轉急圍厚突難開
戰骨尋應在殘兵間有迴傷心郵遞裏隔日捷書來

陳虛一

幾載鏡山耕忽提孤劍行戰場中有骨尺籍上無名

馬自尋歸路身空試賊營却疑兵解去曾說鍊丹成

揚州作

幾多精甲沒黃沙野哭遙憐戰士家瓜渡月明空粉
堞蕪城烟斷只昏鴉似聞漢使放王醢尚喜胡兒剖
帝艸惆悵兩淮蠶織地春風不復長桑芽

南浦亭寄所思

只是從前瘦病身官卑活計太清貧買來晉帖多成
贗吟得唐詩轉逼真擬棄家尋劍客死當移冢近
騷人秋風爛漫吹雙鬢目送停雲欲愴神

蒜嶺夜行

後村先生全集
嶺頭無復一人來
漁火收燈戶不開
松氣滿山涼似
雨海聲中夜近
如雷擬披醉髮
橫簫去只寄鄉
書與
劍迴他日有人
傳肘後尚堪收
拾作詩材

別教器之

舊說閩人苦節
稀先生獨抱歲
寒姿老年絳帳
聊開
講當日烏臺要
勘詩東閣不游
緣有氣草堂未
架為
無貲輕烟小雪
孤山路折賸梅
花寄一枝

哭楊吏部通老

白首除郎已晚
哉民間桑柘手
親栽蓋棺只着
深衣
去行李空擔語
錄迴主祭遺孤
猶未冠著書殘
藁漫

成堆可憐薄命
飄蓬客虛事江
西幕府來

老歎

肘後奇書懶更
開只今年鬢已
相催但聞方士
騰空
去不見童男入
海迴無藥能留
炎帝在有人曾
哭老
聃來醉鄉一路
差堪向終擬劉
伶冢畔埋

答友生

讀易參禪事事
奇高情已恨挂
冠遲清於楚客
滋蘭
日貧似唐人乞
米時家為買琴
添舊債厨因養
鶴減
晨炊君看江表
英雄傳何似孤
山一卷詩

趙清獻墓

南渡先賢迹已稀
蕭然華表立山陴
可曾長吏修祠宇
硬恐樵人落樹枝
幾度過墳偏下馬
向來出蜀只携龜
自憐日暮天寒客
不到林間讀隧碑

烏石山

客子家山亦此峰
可堪投宿聽疎鐘
旋沽村酒開霜柿
欲訪禪扉隔暮松
鄉信寫成無便寄
寒衣着綻倩人縫
遠來只為營瓜圃
不是貪渠萬戶封

除夕

憶昔都城值歲除
高樓張燭戲呼盧
久依淨社參尊宿
難向新豐認酒徒
天子未知工草賦
鄰人或倩寫

桃符夜寒別有窮
生活點勘離騷擁地爐

呈袁秘監

近日頻聞有峻除
人傳君相重儒師
細旃坐穩方輪講
羣玉峰高未要扶
別後曾過東閣否
新來亦乞鑑湖無
幾時供帳都門外
真寫先生作畫圖

漁梁

春泥滑滑雨絲絲
一路陰寒少霽時
水入陂渠喧似瀑
雲從山崦上如炊
燎衣去傍田家火
炙燭來看野店詩
落盡梅花心事惡
獨搔蓬鬢遠殘枝

小梓人家

生來拙性嗜清幽，獨過山家為小留。
頂笠兒歸行樹杪，提瓶婦去汲溪頭。
參天老竹當門碧，盡日寒泉遶舍流。
我料草堂猶未架，規模已被野人偷。

送柱杖還僧

頭白高僧行脚懶，一枝筇竹久生苔。
不逢太乙燃藜照，時借山翁荷蓀迴。
夜挂多尋蕭寺壁，曉拈恐化葛陂雷。
還師此物禪須進，曾入詩人手內來。

雪峰寺

七里深林集暮鴉，插空金碧被林遮。
華堂何止容千衲，菜地猶堪置萬家。
虎去有靈知伏弩，僧來教舊約

分茶。世人要識千峰冷，六月重綿坐結跏。

蓋竹廟

借榻叢祠日已曛，瓣香頻此謁靈君。
儻來夢事休重卜，向去詩才進幾分明。
主不須人諫獵，故山空使客移文。
寄書報與荆妻說，十襲荷衣莫要焚。

瓜州城

先朝築此要防邊，不遣胡兒見戰船。
遞斷難傳河朔檄，修來大費水衡錢。
書生空抱鳴雞志，故老能言飲馬年。
慙愧戍兵身手健，箚樓各占一間眠。

送仲白

官舍蕭條葦蓋簷拾薪獨有一長髯同來杜友因飢
瘦遠作參軍得俸廉國士交情窮乃見故人詩律晚
方嚴中年各要身強健別後寒衣切記添

鳳凰臺晚眺

經月疎行臺上路秣陵城郭忽秋風馬嘶衛霍空營
裏螢起齊梁廢苑中野寺舊曾開玉帳翠華久不幸
離宮小儒記得龍興事閑對山僧說魏公

贈玉龍劉道士

觀中曾訪老黃冠爾尚為童立醮壇新染裝衣披得
稱舊泥丹灶出來寒詩非易作須勤讀琴亦難精莫

廢彈憶上洪崖題瀑布因將試為拂塵看

晉元帝廟

元帝新祠西郭外野人吊古獨來游陰陰畫壁開冠
劍寂寂絲窠上珠旒勢比龍盤猶在眼事隨鴻去不
迴頭葉碑廊上無人看欲去摩娑又少留

清涼寺

塔廟當年甲一方千層金碧萬緇郎開山佛已成胡
鬼住院僧猶說李王遺像有塵龕壞壁斷碑無首立
斜陽惟應駐馬坡頭月曾見金輿夜納涼

治城

斷鐵道鎗不可求西風古意滿原頭孫劉數子如春
夢王謝千年有舊遊高塔不知何代作暮茄似說昔
人愁神州只在闌干北幾度來時怕上樓

雨華臺

昔日講師何處在高臺猶以雨華名有時寶向泥尋
得一片山無草敢生落日磬殘鄰寺閉晴天半上廢
陵耕登臨不用深懷古君看鍾山幾箇爭

新亭

此是晉人遊集處當時風景與今同不干鐵環樓船
力似是蒲葵塵柄功幾簇旌旗秋色裏百年陵闕淚

痕中興已畢竟緣何事專罪清談恐未公

魏勝廟

天與精忠不與時堂堂心在路人悲龍顏帝子方推
轂猿臂將軍忽死綏灑泣我來瞻畫像斷頭公取立
降旗海州故老彫零盡重見王師定幾時

真州北山

憶昔胡兒入控弦官軍迎戰北山前笳蕭有主安新
葵蓑笠無人墾廢田兵散荒營吹戍笛僧從敗屋起
茶烟遙滿鍾阜諸峰好閑鎖行宮十九年

故宅

後村先生全集
怡則炎炎未百年今看枯柳著疎蟬莊田置後頻移
王書畫殘來亦賣錢春日有花開廢圃歲時無酒滴
荒阡朱門從古多如此想見魂歸也愴然

送余子壽

去歲與君同聘召何曾杯酒暫相離兵謀元帥多親
訪心事同官盡得知三釜忽懷歸去棹一枰未了着
殘棋此生聚散須牢記記上揚州戰艦時

送周監門

一領青衫似敗荷奈君母老秩卑何三年幕府無入
薦常日柴門有客過身畔擔輕藏俸少江頭船重載

書多故人若問軍中事為說防秋仗枕戈

挽黃巖趙郎中二首

朱公徒弟丘公婿標致雖高氣宇和心向奏篇尤暴
白髮因時事欲蒼皤訃傳淮甸邊情惜路出蕭山巷
祭多最長郎君師友盛我知墓碣有人磨

青衫昔作督郵時賞鑒除公更有誰勘獄不嫌人守
法撰文常對衆稱奇築臺虛辱生前意穿冢難酬地
下知欲寫哀思傳挽者身今戎服不能詩

寄趙昌父

世上久無遺逸禮此翁白首不彈冠一生官職監南

嶽四海詩盟主玉山經歲著書人少見有時入郭俗
爭看何因樵服供薪水得附高名野史間

寄韓仲止

昨仕京華豪未減脫鞵不問貴游嗔詩家爭欲推盟
主丞相差教作散人閉戶自為千載計入山又忍十
年貧幾思投劾從公去背笈肩琴澗水濱

戊辰即事

詩人安得有青衫今歲和戎百萬縑從此西湖休插
柳刺栽桑樹養吳蠶

晚春

書幌冷泠子夜風杜鵑啼月小牆東江南詞客惜春
老清曉披衣拾墮紅

臨溪寺二首

綠染庭蕪一尺深老師閱世幾駒陰自言不看傳燈
了只讀楞嚴見佛心
一徑松花颯紫苔東風落盡佛前梅道人深遠禪關
坐莫聽鶯聲出定來

即事

自汲新泉養牡丹銀壺滿貯怕春殘畫簷一向東風
惡為掩窓紗護曉寒

孺子祠

孺子祠堂插酒旗
游人那解薦江蘼
白鷗欲下還驚起
曾見陳蕃解榻時

碧波亭

了却文書上馬遲
白蘋洲畔有心期
斜陽忽到傳觴處
落盡梨花啼子規

豫章溝二首

溝水泠泠草樹香
獨穿支徑入垂楊
齊花滿地無人見
唯有山蜂度短牆

野店蕭蕭掩竹門
岸沙猶記履綦痕
東風枉是吹花

急綠盡平蕪却斷魂

題寺壁二首

柏子熏衣眉暈銷
女垣榆影冷蕭蕭
屏山一枕游仙夢
橫錫飄然過石橋

素練寬裁白衣補
陀烟裏現幽姿
日長讀徹楞伽了
開折村花供祖師

西山

絕頂遙知有隱君
漁芝種木塵為群
多應午竈茶烟起
山下看來是白雲

宮詞四首

出海新蟾玉半鉤風翻荷蕩起栖鷗女郎定有穿針
約偷看明河記立秋

涼殿吹笙露滿天木樨花發月初圓君王少御珊瑚
枕多就玉人玉臂眠

一夜秋風入碧梧蟬聲永巷月華孤幾回夢裏羊車
過又是銀床轉轆轤

先帝宮人總道糝遙瞻陵柏淚成行舊思恰似薔薇
水滴在羅衣到死香

秋風

黃葉蕭蕭忽滿街獨騎瘦馬豫章臺莫將宋玉心中

事吹上潘郎鬢畔來

跋小寺舊題

禪几曾陪白氎巾柑花似雪鬪芳春而今柑子圓如
彈不見澆花供佛人

憶殤女

靈照羈魂章水西冷風殘雪古招提老懷已作空花
看更把楞嚴曉病妻

報恩寺

一抹斜陽上繚垣芫花滿地栢陰繁城中客子聞鐘
鼓獨立空山聽斷猿

歸至武陽渡

夾岸盲風掃棟花高城已近被雲遮
遮時留取城西塔蓬底歸人要認家

舟中寄景建

低蓬小雨夢殘時忽憶同尋楚老祠
夜過豐城占斗氣想公別後有新詩

書山壁

斲地栽林自起墳一燈精舍疏元文
詩成莫寫酒家壁題徧青山題白雲

華嚴寺逢舊蒼頭

曾向叢林寄幅巾十年塵沈臥雲身
侍琴童子長於竹去禮山僧作主人

田舍

稚子呼牛女拾薪菜妻自膾小溪鱗
安知曝背庭中者不是淵明輩行人

古墓

石麟闕耳荀生苔要讀豐碑與客來
精舍荒涼僧已出瓦墻一朵佛桑開

題本草

勤讀方書不為身里中者舊半成塵
幾時作箇荒山

主多種黃精售與人

下蜀驛

幄殿荒涼屋欠扶
紹興遺老故應無
舊來曾識高皇帝
尚有庭前柳一株

出郭

江邊一雨洗秋容
北郭東郊野意濃
老大怕他人檢點
隔溪隔柳看芙蓉

病起

病起登樓却晚風
愛他殘雪映前峰
傍人休問何郎瘦
不見梅花過一冬

再贈錢道人二首

杜貌慙君子細看鏡中我自覺神寒
直從杜甫編排起幾箇吟人作大官

尋師入蜀未曾逢
要看羅浮曉日紅
若見仙人知去處
却來相引到山中

後村先生大全集卷之一

後村先生大全集卷之二

詩

嘉定己卯奉南
嶽祠以後所作

蒙恩監南嶽廟

久問嫖姚乞退閑
今朝準勅放生還
人欺鮮羅青油幕
帝遣監臨紫蓋山
營卒展辭回玉帳
林僧講賀到柴闕
丈夫不辦封侯事
猶要名標處士間

烏石山

免時逃學頻來此
一一重尋盡有蹤
因漉戲魚群下水
緣敲響石闕
登峰孰知舊事
惟鄰叟催去韶華是
暮鐘畢竟世間何物
壽寺前雷仆百年松

草居

兵火間關髮欲絲歸來聊卜草堂基
朵留手澤書堪看爨有躬耕米可炊
畏濕先開通水竇貪明稍斫近
簷枝旋移梅樹臨窓下準備花時要索詩

挽郭處士

昔聞東郭先生者處士寧非是遠孫
空有新詩喧一邑竟無明詔老孤村
雷琴酷愛應同殉草字尤工惜不存
復說歸從慈嶺去騷成何路可招魂

老將

昨解兵符歸故里耳聽邊事幾番新
偶逢戲下來猶

識欲說遼陽記不真兒覓寶刀偏愛惜
奴吹蘆管報悲辛夜寒忽作關山夢萬一
君王起舊人

老馬

脊瘡蹄蹇瘦闌干火印年深字已漫
野礪有水朝洗怯破坊無壁夜嘶寒身
同退卒支殘料眼見新駒被寶鞍昔走
塞垣如抹電安知末路出門難

老妓

籍中歌舞昔馳聲憔悴猶存態與情
愛說舊官當日寵偏呼狎客小時名
薄髮易脫梳難就半被常空睡不成
却羨鄰姬門戶熟隔樓張燭到天明

挽趙仲白二首

生被才名譴推殘到死休家留遺藁在棺問故人求
對月悲孤詠逢山憶共游昔年攜手地今送入松楸
昨吊寢門外葉妻泣最悲因言兒上學復為墓求碑
零落燒丹訣淒涼哭鶴詩託孤朋友事非謂九泉知

贈風水僧

向人說葵又談空郭璞瞿曇併入宗背得山經如誦
呪頂將禪笠去尋龍偏為檀越裁生壙預定公侯出
某峰想亦自營歸寂處一邱卵塔種青松

挽鄭夫人二首 李尚書母

九秩復何憾生榮沒更哀閨門天下則地位佛中來
貝葉從頭看危枕一子我侍兒聞晚勢猶恐坐禪迴
昔事征西幕年年拜壽闈那知丹旌至曾勸板輿歸
元帥拋金印諸生返布衣感恩惟有淚來向路傍揮

除夕

除夕陰寒怕捲簾雨聲斷續下疎簷壁穿自和乾泥
補憲損教尋廢紙粘祇有青燈相守定縱無白髮亦
生添更殘自算明年事不就君平卦肆占

挽鄭淑人 李尚書內

憶在軍中為記室謝公門館事皆知謙卑若婦初嬪

日儉素猶夫未貴時病了死生惟點首晚憂家國每
顰眉舊人猶有任安在攬涕西風獻些詞

悼阿昇

寶惜吾兒如拱壁那知變滅只須臾畏啼尚宿通宵
火塗願猶殘隔日朱坐客相寬云夢幻故人來吊訝
清灑荒小歲晚無行迹心折原頭樹影孤

送真舍人帥江西八首

諫書元不為求名上有穹蒼鑒至誠索虜傳觀皆動
色豈知難悟漢公卿

聞道泉人截轡留翰林從此去吾州村中父老相持

泣但祝今侯似故侯

舶客珠犀湊郡城向來點流幾名卿海神亦歎公清
德少見歸舟箇樣輕

應對詎諧路亦開漢家天子日招徠當時惟有膠西
相不向平津閣裏來

淮漢沅沅戰血腥蜀山鬼哭不堪聽如何一綫江西
路獨現奎星併福星

自昔安危等置棋繫人着數匪天為何因國手來當
局要看開奩布子時

少小聞人說復讎至今禾黍徧宗周自憐謝病離軍

花村先生全集

貝研堂

去始聽王師下海州

身已為民與世疎的無一步離村居昨朝出郭逢公
至廢了意間數葉書

與客送仲白葵回登石室

絕頂荒寒斷客過偶携之子共捫蘿縱觀天外皆鯨
浸下視城中等燈窠悼友孤懷方獲落逢僧逆境暫
銷磨夜歸剩乞松明火霜滿前山滑處多

立春二首嘉定庚辰奉南嶽祠

恰歸舊隱再逢春村巷荒涼草没人犬壞園中門作
竇盜規墳上樹為薪官如巫祝難羞賤家似樵漁敢

諱貧聞說鄰酷低價賣病夫一滴未沾脣

今歲春盤始住家也勝羈旅走天涯圃晴菜拆經霜
甲林暖梅飛編地花開有工夫憂世事老無勲業惜
年華近來死盡吟詩者得句聊從野叟誇

去春

去春烽火照江邊曾草軍書夕廢眠萬里旌旗真屬
命一邱耕釣且隨緣偶然謝客元非病間亦尋僧不
為禪尚有惜花情味在銅餅終日玩芳妍

燈夕

千炬金炬映玉葉臺城作夢又年餘斷無絃索鳴華

屋惟見炊烟起草廬兒報瓶空因止酒婢言油盡暫
停書蓬窓亦有精勤士何必燃藜向石渠

戲孫季蕃

少日逢春一味癡輕鞭小袖趁芳時常過茶卽租船
出或在禪林借枕歌名妓難呼多占定好花易落况
開遲身今憔悴投空谷悔不當初秉燭嬉

匹馬

匹馬曾經小店炊一林玉雪映疏籬無言誰識含情
處有韵全看背面時乍見心方驚絕艷重來人已折
繁枝斷烟殘照山村路銷得劉郎一首詩

宿叢山懷洪岳二上人

憶在山中識二僧一亡一已拂衣行壁間笠徒名藍
掛寺外松過壽塔主隴月定知今夕限澗泉猶咽舊
詩聲隔房侍者多新剃不似閑人却有情

訪辟支巖絕頂二僧值雨

聞有比丘隱絕巔多生無跡下山前僧稱功行幾如
佛樵說神通復近仙食少僅炊盈握米身寒不挂半
銖綿重巖風雨妨游涉回眺蒼烟一惘然

送王實之赴長沙幕殿試第四人

賈傅遺蹤在君於此泛蓮不應卑濕地猶着廣寒仙

策好人爭誦名高士責全衡山余所管擬結草鞵緣
哭豐宅之吏部二首

江表依公稍自強訃聞朝野共淒涼
散茹返西州宅已荒舊戍交鋒淮水赤新墳埋劍越
山蒼此身虛作田橫客血淚無因滴壠旁

康時才調未全伸晚建油幢白髮新
奮土為城塵滿面握拳猶戰膽通身
一生偏任公家怒四海皆知後
事貧多少貴交方厚祿恤孤吊墓屬何人

深村

身老深村負歲華青苔迳裏是貧家
晚風一陣無端

急不為山人惜袖花

挽林進士

一門皆擢第君獨老儒冠試卷年年納經書
日日看文為前輩賞命合主司難遙想泉臺恨
銘旌未寫官

東人求驢子

聞在江寧得小驢價高人說是名駒行時亦肯過橋
否飢後還能飲澗無不稱金鞍馱侍女只宜席帽載
貧儒灞陵雨雪詩家事乞與他年做畫圖

寄漢陽守王中甫

自辭幕府徑歸耕同舍分携闕寄聲
帳下飛書空有

幕軍中上級獨無名山深僕不聞時事塞近君應得
虜情聞道漢東堪卧治詎來依舊說招兵

與客登壺山絕頂

十里稀逢寸地平且無木影蔭人行鳧飛難學王喬
烏魚貫全無鄧艾兵樵子獻花替帽重山靈供水入
瓢清桐蘿莫恠匆匆下恐賺林僧束炬迎

戲答同游

君到中峰力不加却疑絕頂事皆誇烟含晚市微分
塔日照鄰州近隔沙

次方武成壺山韵

圖經云此有神仙曾見壺公跳入年斫木人多山漸
瘦結菴僧去石誰眠鳥歸半嶺銜斜日樵返疎村起
遠烟君若能拋塵裏事一龕共占野雲邊

挽林推官內方孺人艾軒侍郎子婦

身畔無釵澤何由葬禮奢明時選人婦先帝近臣家
白首持巾悅青燈緝苧麻寺西同定處風日愴寒茄
方湖泛舟得南字

湖波經雨綠如藍小艇閑携客二三墜絮颭萍生細
浪驚魚避鷺沒深潭入荷似覺傍無岸穿石方知上
有巖却凭朱樓同望海一規寒玉帖西南

空寂院

院名誰遣稱空寂入得門來寂又空
舊有田園官戶占別無衣鉢老尼窮
砌傾苔色侵堂上厨廢炊烟起
草中或說古碑巢寇寫栖禽不下似傷弓

紫澤觀

修持盡是女黃冠自小辭家學住山
簾影靜隨斜日裏磬聲徐出落花間
祭星綠簡親書字避客青衣密掩關
最愛粉牆堪試筆苦無才思又空還

靈寶道院

兩行松繞垣數箇竹當軒
山主出何處道人知不言

只携詩草至尚覺磬聲煩
俗奉鑿仙謹儒家亦捨幡
方寺丞新第二首

宅成天下借圖看始笑書生眼力慳
地占百弓多是水樓無一面不當山
荷深似入苔溪路石怪疑行雁蕩間
只恐中原方鼎沸天心未遣主人開

右二

一生不蓄買田錢華屋何心亦偶然
客至多逢僧在坐釣歸惟許鶴隨船
按行花木皆僚友主掌湖山即事權
京洛貴人金谷裏安知世上有林泉

小齋

小齋自理畫并琴匣貯香薰怕蠹侵出塞已忘轉檄
夢入山猶有著書心南船不至城無米北貨難通藥
闕參却為貧居還往少門前留得綠蕪深

東巖寺避暑

若非來寺裡無地避炎蒸經雨房基潤依山井氣冰
榻虛涼睡客松濕滴歸僧對此專宜靜為詩亦不應
方寺丞艇子初成

船成莫厭野人過久欲從公具釣蓑積雨晴來湖面
闊殘花落盡樹陰多新營小店皆依柳舊有危亭尚
隔荷所恨前峰含暝色不然和月宿烟波

友人病瘡

自檢方書坐一床教尋高白采蒲黃畫眉連日疎粧
閣缺氣通霄在道房倦聽瀑聲驚睡醒悶拈詩卷遣
心涼猶勝華髮從軍客歸卧茅簷養戰瘡

乍暑一首

南州四月氣如蒸却憶吳中始賣冰綠浦游船常載
妓畫廊浴鼓或隨僧夢過水榭聞涼笛身在山房伴
曉燈惆悵烏絲欄上筆蓬窓學寫字如蠅

衛生

衛生草草昧周防小郡無鑿自處方採下菊宜為枕

睡碾未芎可入茶膏身因病轉添蕭飒人到衰難再
威強舊喜讀書今亦懶銅鑪慢炷一鉢香

先儒

先儒緒舊有師承非謂聞風便服膺康節易傳於隱
者濂溪學得自高僧衆宗虛譽相賢聖獨守遺編當
友朋門掩荒村人掃迹空鈔小字對孤燈

同孫季蕃游淨居諸庵

捨俗依空事梵王韶顏寂寂度年芳門前草色迷行
徑院裏花陰接步廊弓樣展來靴尚窄黛痕剃出頂
應涼當時若使窺鸞鏡一步何因出洞房

又一首

滿院靜沈沈微聞有梵音不來陪客語應恐誤禪心
母處歸全少師遺悟已深戒衣皆自袖因講始停針

孟夏泛方湖得同字一首

長笛橫吹露滿空拖行渾不辨西東岸田初見遙峰
出浦盡新疏別港通月照鷺身明石畔風翻螢影沒
荷中書生此樂闕時命歎息無因夜夜同

又得湖字一首

帝賜先王一曲湖畫船領客泛菰蒲覆茅亭址尋猶
遠隔柳人家看似無渴嗜瀑泉頻遣汲醉行釣岸屢

嘆扶假令不立功名死史筆須編入酒徒

問友人病

病來清瘦欲通仙深炷香篝掃地眠野客勸尋麴藥
賣外人偷得近詩傳術庸難靠鑿求效俗陋多依鬼
乞憐鷗鷺如期行迹少分明溪上占漁船

偶賦

身已深藏畏俗知客來鄰曲善為辭偶彈冠起成何
事徑拂衣歸自一奇村飲婦常留燭待山行童亦挾
書隨明時性學尤通顯却悔從前業小詩

滄浪館夜歸

萬疋沙場似電奔轟天笳吹簇轅門而今出借東家
馬烟雨孤行小麥村

右二

立馬飛書萬象看雪花滿硯指春寒自憐衰憊今如
此枕上裁詩字未安

贈翁定

相逢乍似生朋友坐久方驚隔闊餘徧問諸郎皆冠
帶自言別業可樵漁任鄰秦系曾居里老讀文公所
著書十七年間如電瞥君鬚我髮兩蕭疏

送孫季蕃

家在吳中處處移的於何地結茅茨囊空不肯投
乞程遠多應稅馬騎短劍易錢平近債長瓶傾酒話
餘悲衡山老祝淒涼甚明日無人共講詩

哭毛易甫

至尊殿上主文衡誰料臺中有異評垂二十年猶入
幙後三四榜盡登瀛白頭親痛終天訣丹穴雖方隔
歲生策比諸儒無愧色自緣命不到公卿

月下聽孫季蕃吹笛

孫郎痛飲橫長笛玉樹胸襟鐵石顏解噴清霜飛座
上能呼涼月出雲間病劍凍馬嘶荒塞失侶窮猿叫

亂山可惜調高無聽者紫髯白盡髮毛斑

哀陳璫

滿懷干世策自請戍邊城不得兵書力翻成禮部名
攸方調錦瑟客已吊丹旌都下人來說還因喜喪生

題方武成詩草

性僻愛詩如至寶借君詩卷百迴看吟來體犯諸家
少改定人移一字難求瀑為題猶天矯吞山入句尚
蒼寒嗟余老鈍資磨琢安得同衾語夜闌

送劉連江之官

舊說土風淳今聞未易馴勢侵官府弱稅去縣衙貧

襟印辟州遠開軒與海鄰中朝我勇者多用滿歸人
挽柯東海

不持寸鐵霸斯文疇昔曾將膽許君撰出騷詞奴宋
玉寫成帖字婢羊欣喪無歸費人爭賻詩有高名虜
亦聞作覽埋銘增感愴纍纍舊友去為墳

送客

騎驢送客一壺隨汗透中間熱似炊客又不來天落
雨路邊茅舍坐移時

哭王宗可

昨現官身往今迎影子迴摠緣鳧入覲誰料鵬為災

巷靜公人去門荒吊客來故園花滿架猶似去年開

書考一首

香火精勤閱一暮孤臣無路答鴻私銜如已廢陳人
樣俸比初開小學時世上升沉姑付酒考中功狀是
吟詩五錢買得羊毛筆自寫年勞送有司

哭常權子圭靖安縣簿君為令

曾佐下風山縣裏長官貴重若神明行香堊寺徐方
至白事琴堂久始迎遠遞無書悲契濶老襟有淚愴
生平郎君如玉聞先天誰護丹旌問去程

穴蟻一首

穴蟻能防患常於未雨移聚如營洛日散似去邠時
斷續緣高壁周遭避淺池誰為謀國者見事反傷遲

方寺丞除雲臺觀

河嶽腥膻憤未忘羨公遙領舊靈光草荒太白騎驢
迹雲冷希夷委蛇裳定有遺民來獻土可無散吏去
焚香吾聞西華多奇觀不比炎州寂寞鄉

哭方主簿汲

鷄衣不似推千金用破燈窓一世心太學空聞能賦
久春官未察讀書深柴車巾出身猶健槐簡拈歸病
已侵寂寞殯宮來客少故人野外獨沾襟

陳寺丞續荔枝譜

蔡公絕筆山川歇荔子蕭條二百年選貌畧如唐進
士慕名幾似晉諸賢豈無品劣聲虛得亦有形佳味
不然題徧貴家臺沼後請君物色到林泉

棋

十年學奕天機淺技不能高謾自娛遠聽子聲疑有
着近看局勢始知輸危如巡遠支孤壘狹似孫劉保
一隅未肯人間稱拙手夜齋明燭按新圖

宿千歲菴聽泉

因愛菴前一脈泉襟衾求此借房眠驟聞將謂溪當

戶久聽翻疑屋是船
變作怒聲尤壯偉
滴成細點更清圓
君看昔日蘭亭帖
亦把湍流替管弦

題方寺丞西山瀑布亭

與客窮源上盡山林
霏初卷嶺頭乾似
嫌甲第施朱戟別
築茅亭對碧湍
龍怒豈容緣磴汲
電寒不敢近崖看
平生頗有登臨膽
今日凭高立未安

秋夜有懷傅至叔太博父子

憶昔游君父子間
高才窮力莫追攀
讀書衆壑歸滄海
下筆微雲起太山
幼嗣尚存宗武在
遺文難附所忠還
荒邱衰草埋雙壁
兀坐空齋涕泪潛

書小窓所見

榦接枝分整復斜
隨緣裝點野人家
小窓有喜無人見
蘭在林中出一花

哭宋君輔倚

早題淡墨魁多士
晚着青衫事護軍
方見叔孫來議禮
已傳子夏去修文
先朝繅籍為圭壁
近世推殘用斧斤
回首冶城棋飲地
雁悽蟬咽不堪聞

曝書一首

秋齋近午氣尤炎
命僕開箱更發奩
蟲蝕闕文勞注乙
嵐侵脫葉費裝黏
雲迷玉帝藏書府
日在山人炙

皇清... 復... 金集... 見... 刊...

背簷誰道閑居無一事袒衣揮扇曝芸籤

觀元祐黨籍碑

嶺外瘴魂多不返冢中枯骨亦加刑稍寬末後因奎
宿暫仆中間得彗星蚤日大程知反覆暮年小范要
調亭書生幾點殘碑淚一吊諸賢地下靈

答翁定

牢落祠官冷似秋賴詩消遣一襟愁喜延明日常開
戶貪對青山懶下樓客訖瀑竒邀往看僧誇寺僻約
來游何當與子分峰隱飢喫岩花渴飲流

挽陳潮州相霆一首

當年舍選最居優上到青雲亦白頭律賦數篇天下
誦遺書幾卷篋中留入游太乙曾臨地出牧昌黎所
典州耆舊凋零今欲盡傷心茄吹掩新邱

聞城中募兵有感

調發年多籍半空虎符招捕至閩中庄農戎服來操
戰太守儒裝學拍弓去日初辭鄉樹綠到時愁見戍
旗紅募金莫作纏頭費留製衣袍禦北風

右二

昔在軍中日募兵萬夫魚貫列行營懸金都市招徠
廣立的轅門去取精二石開弓猶恨少雙重被甲尚

和學園短韻大學
後村先生全集卷二
六
易見堂
嫌輕伍符今屬他人手
歷歷空能記姓名

哭張王父

華髮客朱門
文高道又尊
十方窮不屈
一片氣長存
籬掩湖邊宅
墳依郭外村
二孤彈舊篋
泣感孟嘗恩

友人病疔

昔聞詩可驅疔病
今日詩人疾自嬰
勢似邊兵鏖未
解根同野草剗
還生能蠲熱障
惟山色鮮洗煩襟
只澗聲溪友祝
君如虎健督僧栽
種課奴耕

書事

黃旗旁午責軍需
括馬搜船遍里閭
士稚去時無鎧

伏武侯屯處有儲胥
粟空都內憂難繼
甲出民間策
恐疎昔補戎行
今簡汰空搔短髮
看兵書

右二

人道山東入職方
書生膽小慮空長
遺民似蟻飢難
給俠士如鷹飽
欲颺未見馳車
修寢廟先聞鑄印
拜侯王青齊父老
應流涕何日鸞旗
駐路旁

李文饒一首

畫取維州如槁葉
策禽潞將似嬰兒
九原精爽人猶
畏想見中書秉筆時

西風

性愛芙蓉淡復濃倚欄日日待西風池邊數本無消
息愁絕東家半樹紅

右二

老葉猶存是苦吟或投野店憇寒林西風何處無詩
料水際山顛亦去尋

昔仕

昔仕年傷早令歸計恨遲賴存南嶽草可答北山移

後村先生大全集卷之二

後村先生大全集卷第三

詩南嶽第二葉

九日次方寺丞韻

木落山凋水見涯感時短髮半蒼華人陪柏大將軍
宴誰管陶潛處士家砧動寒衣貧未剪杯空隣酒貴
難賒病身索漠如黃蝶繞匝籬邊未有花

戲鄭闈清灼艾

點穴不須醫針經手自披既云丹熟後馬用火攻為
簡出創牽步端居痛上眉閉門功行滿應有解飛時

暝色

暝色千村靜
遙峰帶淺霞
荷鋤歸別墅
乞火到隣家
疎鼓聞更遠
昏燈見字斜
小軒風露冷
自起灌蘭花

示寶上人

昔尋老岳到
菴西岳死
菴空路已迷
師舉舊詩
余不記
茫然恐是夢
中題

海口官舍

曉起齋中望
千家未啓扉
潮能驅海走
風欲挾人飛
烟寺鐘初定
霜林葉半稀
客身偏畏冷
着盡帶來衣

瑞峰寺

寺在高山頂
天寒偶一登
孤僧營粥飯
諸佛闕香燈

潮落洲分派
林疎塔見層
危欄宜老眼
欲去幾回凭

瑞嵩

金碧千間盡
惟庵免劫灰
佛歸何國去
僧自別峰來
巨石神鞭至
懸崖帝鑿開
幽情尋未已
木杪夕陽催

答湯升伯因悼紫芝

紫芝曾說子
能詩開卷如
親玉樹枝古
佛寫成翻水
渴天仙遺下
步虛詞的然
沈謝何難識
逝矣應劉不
可追
寂寞西湖三
尺墓誰携升
酒一澆之
有中貴人
墓紫芝於
西湖之上

挽林宜人

曾究西方學儒書亦有聞賜金存日施遺珥病時分
白首夫同穴青山子結墳吾詩非溢美字字攷埋文

送葉知郡禾

家在春風住二年借侯無路意悽然到來不飲官中
水歸去難謀郭外田燈遠村民多點塔擔輕津吏易
排船壺公亦似追程送青過囊山古寺前

送人赴廬陵尉

聞說江西路而今不宿師省民來着業少府去吟詩
夜月營門鼓春風謝圃旗雖然溪峒事閑暇要先知

別翁定宿瀑上

偶送詩人共宿山推爐吹燭聽潺潺已修茗事將安
枕因看梅花復啓關崖色無苔通澗底月光如練抹
林間平生所歷同郵寄獨到庵中不忍還

身在一首

身在樵村釣瀨行秋豪不與市朝爭目云嗜酒相繩
急謗到吟詩所犯輕沈水一銖銷永晝蠹書數葉伴
殘更閉門孤學無窮味笑殺韓公接後生

臘月十日至外祖尚書家

古樹暗朱門空階篆蘚痕昔容萬間屋今止數家村
泉少池因廢田荒廩尚存遺書零落盡身愧史遷孫

命拙

命拙躬耕逢歉歲旋營水菽度晨昏晴天田舍禾歸
害臘日山家酒滿盆葑竹短塙修復壞澆花小井汲
來渾早知不是封侯相蓑笠何因肯出村

憶真州梅園

當年飛蓋此追隨慘澹淮天月上時樹密徑鋪種共
飲花寒常怕笛先吹心憐玉樹空存夢塵暗闕山阻
寄詩縱使京東兵暫過可無一一斫殘枝

歲晚書事

荒苔野蔓上籬笆客至多疑不在家病眼看人殊草

草隔林迢遞見梅花

二

日日抄書懶出門小窻弄筆到黃昏了頭婢子忙勻
粉不管先生硯水渾

三

踏破儂家一徑苔雙魚出換隻雞迴幸然不識聾牙
字省得閑人載酒來

四

書生元不信襍祥老去無端慮事長白髮社巫云日
吉明朝滌井更苦牆

五
鬱壘鍾馗尚改更青雲變幻幾公卿人間止有漳泉
叟撲斷衡山了一生

六
細君炊秫婢繅絲絲勝酥花總不知窓下老儒衣露
肘挑燈自檢一年詩

七
門冷如水儘不妨由來富貴屬蒼蒼誰能却學癡兒
女深夜潛燒祭灶香

八

歲晚郊居苦寂寥日高鹽酪去城遙深深榕迳苔牆
裏忽有銀釵叫賣樵

九

主人晚節治家寬婢情奴驕號令難圍在屋邊慵種
菜并臨砌畔怕澆蘭

十

丐客鶉衣立戶前豈知儂自窘殘年染人酒媪道猶
緩且送添丁上學錢

元日

元日家童催早起起搔冷髮惜殘眠未將柏葉簪新

歲且與梅花叙隔年甥姪拜多身老矣親朋來少屋
蕭然人生智力難求處惟有稱觴阿母前

寄題李尚書秀野堂一首

江上歸來兩鬢絲倒囊惟剩草堂賢雲山有態爭呈
獻天海無邊入指麾怪石遠從商舶至名花多自別
州移寄聲獨樂先生說世事而今尚可為

又真止堂一首

作堂肯以止為名出處遙知講已精縱使胸中橫綠
野未應度外置蒼生波顏公獨能山立漏盡人方喜
夜行千載英雄須冷笑孔明回首學淵明

晚悟

晚悟才為崇深居學養生乃知景升子差勝少游兄
絕澗携瓶汲空山抱耒耕兒孫聽吾語世世勿談兵

書燈

童子糊新就籠紗碧色深喚回少年夢照見古人心
每對忘甘寢頻挑伴苦吟與君交到老莫慮棄牆陰

書感

鬢髦馳逐少年場晚向深山學老莊名以馬牛猶不
校朝為狔犬極何妨性疎熟客來難記意懶生書讀
易忘却笑癡人誤標榜賢愚千古共茫茫

山茶

青女行霜下曉空山茶獨殿衆花叢不知戶外千林
縞且看盆中一本紅性晚每經寒始拆色深却愛日
微烘人言此樹尤難養暮澆晨澆自課僮

落梅

一片能教一斷腸可堪平砌更堆牆飄如遷客來過
嶺墜似騷人去赴湘亂點莓苔多莫數偶黏衣袖久
猶香東風謬掌花權柄却忌孤高不主張

又一首

昨夜尖風幾陣寒心如尤物久留難枝疎似被金刀

剪片細疑經玉杵殘痛叱山童持帚去苛留野客坐
苔看月中徒倚憑空樹也勝吳兒賞牡丹

野性

野性無羈束人間毀譽輕客言詩惹謗妻諫酒傷生
意約鄰峰碧瓢分遠澗清近來尤少睡打坐到鐘聲

懷保寧聽老

秣陵一見歎魁梧每恨斯人不業儒幾度劇談俱抵
掌有時大醉勸留鬚探梅尚憶陪山屐煨芋何因共
地爐我已休官師退院肯來林下築庵無

哭五一弟先輩

未冠辭家出麻衣不肯回瘠因身久客貧為性疎財
精力書中去科名病裏來空傳場屋義留與鋪家開

二

自小即相依天涯影伴飛共燈抄細字分俸贖寒衣
已痛身長訣猶疑客未歸素幃惟幼女斷續哭聲稀

腰痛

偶得休文病行遲卧不安益綿身尚怯加劑脉猶寒
扶出看山易驅教立雪難邊頭方募士自愧已衰殘

上冢

落梅萬點曉泥乾擘紙携家去上山寧與先君游地

下肯隨話子乞墻間整牆漬雨積偏易沙上栽松長
極艱畢竟有漸廬墓士林扉夜只付松關

平床嶺

以下十二首
辛巳游山作

一動非容易三年議始成倩人挑旅橐買紙割山程
下嶺峰如拜登崖樹若迎慙無塵事迫便覺長吟情

溪西

暮至溪西宿喧呼聒四鄰滿村無別姓比屋喜生人
解榻勤為黍烘衣許覓薪客房惟有月偏照不眠身

夾漈草堂

嶺絕瀑源窮曾於此築宮得知千載上因住萬山中

廢址荒苔盡遺書電取空高皇南波始却議反招弓
棋山院

昔日棋山院今惟認土邱有僧逃債去無主施錢修
野叟樵難禁岩仙奕未休何須悲幻境佛比作浮漚

西林寺

將謂如廬阜因迂數里行問俱無古迹來等慕虛名
借榻眠難熟逢碑眼暫明殘僧逃侶氣難結社中盟

興化縣

繞縣百千峰初疑路不通居民猶太古令尹坐春風
箏遠呼難至杯寒反易空却從歸路望飛榭半天中

麥斜

諺比武夷君來游稱所聞品開花似染洞出氣如雲
蒼老殘詩在崖枯小篆焚只疑龕室內猶有艾軒又

鯉湖

凡是龍居處皆難敵此泉下窮源至海上有穴通天
小派猶成瀑低峰亦起烟莫疑乘鯉事能住即能仙

蔡溪巖陳聘君隱處

愛瀑戀苔磯難招出翠微死因岩作墓生以石為扉
已嘆逃名是猶嫌學佛非後來無此士不但鶴書稀

九座山

化盡開山物惟存宰堵坡俗傳潭出雨僧說火因魔
舊給唐綾暗新鴈蔡字訛巖前觀蟒石尤覺可疑多

香山寺

佛廢何闕儒者事要知開叔亦辛勤居人公折純權
柱巨室深藏舊記文鐘已毀樓移出寺石猶鐫字徒
為墳吾詩句句通陰陽安得檀那子細聞

仙游縣

不見層岡與複巖眼中夷曠似江南烟收綠野連青
嶂樹闕朱橋映碧潭丞相無家曾住寺聘君有字尚
留庵荒山數畝如堪買徑欲誅茅老一龕

觀溪西子弟降仙

似有物憑箕傍觀競卜疑曾從師授易肯問鬼求詩
岩穴雖高枕乾坤尚奕棋老儒心下事未必紫姑知

自昔

自昔英豪忌苟同此身易盡學難窮習為聯絕真唐
體講到玄虛有晉風螻子盡云參妙喜乞兒自許識
荆公安知斯世無顏閔到死浮沈里巷中

耕仕一首

耕不逢年仕背時蕭然井臼掩茅茨貧求生墓為謀
早病學還丹見事遲馬上功名成畫餅林間身世似

持碁未應對客呈飢面尚有荒園可種葵

真母吳氏挽詞

系出自華宗來壙隱約中貧能安苦節貴愈積陰功
立志如歐母生兒似富公如聞新定處神告在溪東

二

族昔多名壻今觀子更奇他年槐樹識早歲柏舟詩
割股延姑壽抽簪活衆飢事皆堪入史何必墓傍碑

蘭

深林不語抱幽真賴有微風遞遠馨開處何妨依薜
砌折來未肯戀金瓶孤高可挹供詩卷素淡堪移入

卧屏莫笑門無佳子弟數枝濯濯映堦庭

感昔

談攻說守謾多端誰把先朝事細看棄夏西陲凶險
要失燕北面受風寒傍無公議扶神李中有流言沮
范韓寄語深衣揮塵者身經目擊始知難

二

先皇立國用文儒奇士多為禮法拘澶水歸來邊奏
少熙河捷外戰功無生前上亦知強至死後人方誅
尹洙蝼蟻小臣孤憤意夜寤和淚看輿圖

山丹

聖和學園版開大學
行林先生全集
則石堂
偶然避雨過民舍一本山丹恰盛開種久樹身樛似
蓋澆頻花面大如杯怪疑朱草非時出驚問紅雲甚
處來可惜書生無事力千金移入畫欄栽

燕

曾客烏衣看落花春風吹影傍天涯茅簷亦有安巢
地何必王家與謝家

二

野客柴門日日開且無欄檻礙飛迴勸君莫入深簾
去羯鼓如雷打出來

過永福精舍有懷仲白

永福招提小步廊憶携詩卷共追涼年來行處常迂
路纔近君家即斷腸
一樹梅花掩舊居主人仙去客來疎白頭留得吟詩
友每見郎君勉讀書

詠史

虜入中原力不支洛陽名勝浪相推可憐揮麈人如
壁半夜排牆尚未知

二

保惜金甌未必非臺城至竟亦灰飛隱侯老任梁朝
事却為閑情減帶圍

道散斯文體尚浮韓曾力與化工侔
山瞻泰華巖巖聳河出崑崙混混流
長慶從官銷不得熙寧丞相挽
難留滄洲奏疏潮州表猶被人拈作話頭

春早

一春閔雨動龍顏曉殿權停賀雪班
林下散人看邸報也疎把酒廢游山

二

去冬玉塞靜無埃春雪雖遲亦壓災
大士送歸天竺去相公宣入浙江來

二

屋山無筍圃無蔬釜冷樽空客至疎
說與厨人稀作粥老夫留腹要盛書

四

清明未雨下秧難小麥低低似剪殘
窮巷蕭然惟飲水家童忽報井源乾

黃天谷贈詩次韻

浪迹徧齊州曾從劍俠游尚嫌秦政臭
肯要鄧支頭客禮朝三殿兒嬉弄五侯
吾猶看不破何兜道家流

二

後村先生集
世無仙則已有必屬斯人丹熟將分友雲游每念親
小憲時讀易靜室夜修真符篆皆餘事題詩亦出塵
得曾景建書

聞君別後買傾城酒戒中年亦放行遠使忽來知病
起近書全未說丹成莫嫌身去依劉表曾有人甘殺
彌衡何日斷原荒澗畔一間茅屋對寒檠

示兒

瓜芋村邊一畝宮閉門不復問窮通生羞奏技伶人
裏死怕標名狎客中講學有誰明太極吟詩無路和
薰風身今去老空追悔但祝吾兒勿似翁

櫚陽塘

塘水年時似練湖春來亦已化平蕪農官久廢存遺
趾樵子公行作坦途葦折鷺藏身不得萍乾魚以沫
相濡桔槔伊軋聲如泣借問龍宮睡穩無

春日

睡起無人小院空南華一卷磬聲中鼻端老去齋香
臭分別相花是晚風

二

隙地新鉏一逕通野夫手自植芳叢生來不慣游金
谷屋角花開也自紅

後村先生大全集 卷三
憶毛易甫薛子舒一首

昔在江東會集詩二君獨許話心期
春風蕭寺同登塔落日荒臺共讀碑
百史染毫供草檄萬花園席看題詩
那知數尺無情土別後雙埋玉樹枝

有感

殘羯如蜂暫寄窠十年南北問干戈
亨廬昔少曾居汴莫府今猶未過河
越石不生誰可將奉春再出亦難和
憂時元是詩人職莫怪吟中感慨多

哭趙紫芝

奪到斯人處詞林亦可悲
世間空有字天下便無詩

盡出香分妓惟留硯付兒
傷心湖上冢誰葬復誰碑

哭周晉仙

君在詩人裏功夫用最深
古如神禹鑄清似鬼仙吟
死定無高冢生惟有破衾
長安酒樓上猶記昔相尋

中嶼先塋

昔遇重華席屢前因排貴近去翩然
叩墀袖有馳驅疏易篋囊無沐柳錢
當日傳家惟諫草至今瞻族賴祠田
原頭宰木蒼如此纔見山庵葺數椽

被酒

酒戶當年頗著聲
可堪病起因飛觥
醉呼諸令為僮

父狂喚桓公作老兵舊有崢嶸皆鏟去新無壘塊可
澆平投床懶取騷經看只嗅梨花解宿醒

小園即事

何處瑤姬歎戶來薔薇花下暫徘徊分明粉蝶通消
息未有人知一朵開

二

因聽簫聲一念差碧雲遮斷阿環家春來無遣閑愁
處玉面紗巾出看花

夢豐宅之

一別茫茫隔九京夢中慷慨語如生老猶奮筆排和

議病尚登陴募練兵天奪偉人闕氣數時無好漢共
功名殘胡仍在王師老寶劍雖埋憤未平

二

斯人古少況於今每恨諸賢識未深朝給贖錢方掩
骨家無餘帛可為衾向來天子真知己近世門生喜
負心惟有天涯華髮椽獨揮哀泪望仙陰

漢儒

執戟浮沉亦未迂無端著頌羨新都白頭所得能多
少枉被人書莽大夫
賣賦長安偶遇知後車歸載遠山眉可憐犬子真窮

後村先生集卷三
相不見劉郎過沛時

暮春

燕子來時春事空
杖藜來往綠陰中
靜憐朱槿無根蒂
開落惟銷一陣風

哭吳杞

七十未陞舍目深
雙鬢殘病中
依佛寺死處近嚴灘
俗薄揮金少家貧返骨難
遺言令火葬聞者鼻皆酸

橘花

一種靈根有異芬
初開尤勝結丹黃
白於蒼菊林中見
清似梅檀國裏聞
淡月珠胎明璀璨
微風玉屑撼

繽紛平生荀令重
衣癖露坐花間至夜分

薔薇花

浥露含風匝樹開
呼童淨掃架邊苔
相紅染就高張起
蜀錦機成乍剪來
公子但貪桃夾道
貴人自愛藥翻階
寧知野老茅茨下
亦有繁英送一盃

答鄭閩清

多著襦裙少裹巾
形容蒼槁意清真
舊時論語都忘記
難做深衣社裏人

前輩

前輩日以遠斯文
吁可悲古人皆尚友
近世例無師

晚節初寮集中年務觀詩雖云南渡體俗子未容窺

鐵塔院

鐵塔荒涼院年深失主名昔游基已廢今至屋皆成人出私錢施僧憑願力營如何榆塞上却有未包城
東方寺丞病足

西北名山未徧經詎宜倚杖立矜嶢脉通氣數鑿難
曉病在皮膚藥易靈金築高臺珠緣履錦蒙內屋肉
為屏小儒受用嵇康論擬獻君侯座右銘地上老人授授良書

一編太公兵法也

後村先生大全集卷之三

後村先生大全集卷之四

詩南嶽第三藁

贈徐相師

許負遺書果是非子憑何處說精微使君豈必如柳
大丞相元來要瓠肥袖闊日常籠短刺肩寒春未換
單衣半頭布袋挑詩卷也道游方賣術歸

送孫夢宮

大帝開江左無錐與遠孫自言埋戰地也勝活侯門
短褐邊風縈孤舟海浪翻知它三尺劍携去報誰恩
寄何立可提刑

故人握節守齊安聞說邊頭事愈難赤手募丁修險隘白頭擐甲禦風寒半腰城甫包圍畢一把兵皆點摘殘收得去年書在架憶君燈下展來看

和曾使君喜雨

雄烏忽變作雌電太守為壇水畔祠多謝龍公來挹彼寄聲風伯莫吹之麥殘黑穢差傷晚秧出青鍼未過期想見鈴齋聞點滴銀鈎滿紙又成詩

送饒司理端學

一郡夸饒椽才名果不虛忽聞歸去勇極恨往還疎囚戴公平德奴擔性理書京華逢舊友為說閉門居

贈防江卒

陌上行人甲在身營中少婦淚痕新邊城柳色連天碧何必家山始有春

二

壯士如駒出渥洼死眠牖下等蟲沙老儒細為兒郎說名將皆因戰起家

三

昨者邳徐表奏通聖朝除吏徧山東新來調卒防秋浦又與山東報不同

四

身屬嫖姚性命輕君看一蟻尚貪生無因喚取談兵者來向橋邊聽哭聲

五

戰地春來血尚流殘峰缺堠滿淮頭明時頗牧居深禁若見關山也自愁

六

一炬曹瞞僅脫身謝郎棋畔走符秦年年拈起防江字地下諸賢會笑人

哭黃直卿寺丞

久在文公几杖旁暮年所得最精詳貪甘香火辭符

竹病整衣冠坐簣床壯士軍中悲亮死先生地下惜
回亡法雲破寺二間屋却有門人遠赴喪

二

當年出塞共臨戎箭滿行營戍火紅督府凱旋先請
去堅城築就獨無功身謀彼此皆迂濶國事中間偶
異同莫恠些詞含哽噎在時曾賞小詩工

不寐

萬戶千門盡擁衾據梧展轉看橫參不知身已成衰
證枉被人疑是苦吟周漢前書忘記憶乾坤外事強
思尋華山老子差堪語安得呼來論此心

寄夔漕王中甫

舊歲書猶至漢陽新年夢已隔瞿唐西人久苦供軍
費南士專營出峽裝塵暗三邊途尚梗身游萬里鬢
應蒼蜀山間說多仙者試為余求辟穀方

送章通判

半刺已官尊常時讀魯論身居恭叔里心在晦翁門
貧士來遮路詩人送出村君能齊得喪何必戀華軒

旱蓮一首

晴久方池可跣行萍枯惟有草縱橫朱葩未見叢叢
折綠柄纔看寸寸生悴若故臣臨楚澤厄於學士臨

秦坑輸它杭越花如錦畫舫名姝夜按笙

辭桂帥辟書作

一昨聞公幕府開夢魂頻繞嶺頭梅久拋鞢袴辭軍
去忽有弓旌扣戶來茅舍相過爭借問荷衣欲出却
徘徊舊時檄筆今焚棄孤負黃金百尺臺

聞何立可李茂卿計

初聞邊報暗吞聲想見登譙與虜爭世俗今猶疑許
遠君王元未識真卿傷心百口同臨穴極目孤城絕
救兵多少虎臣提將印誰知戰死是書生

二

何老長身李白鬚傳聞死尚握州符戰場便合營雙
廟太學令方出二儒史館何人微逸士羽林無日訪
遺孤病夫疇昔曾同暮西望關山涕自濡

二君皆舊同官

夏旱一首

滿望梅天雨誰知日轉驕畦蔬新佳摘盆樹久停澆
粟貴糧困盡泉乾汲路遙未遑憂世事灾已到顏瓢

憶藕一首

昔過臨平台伯隄小舟就買藕尤奇如拈玉塵涼雙
手似瀉金莖燕上池好事染紅無意緒癡人蒸熟減
風姿炎州地狹陂塘少渴死相如欠葯醫

夜飲方湖

貪聽月下小叢歌擲去金蕉吸碧荷四面涼如浮震
澤五更渴欲挽斜河古稱賢達誰存者今不懽娛奈
老何長笑峴山空感慨羊公湛輩兩消磨

哀江帥張常

關破壘何堅傷心援不前生居諸將下死在衆人先
憤極拳雙握創多體少全豈無人策應擁燾坐江邊

二

昔我居戎幕為侯論戰勳齋旌俄烜赫書札尚殷勤
國難忠方見天高事未聞九江殘部曲暗哭故將軍

瀑上值雨

絕頂嵐烟合危亭畧見簷不知山雨過但覺瀑流添
悲壯張瑤瑟迷濛展畫縑野人雙草屐來往任泥濘

懶

病入中年百事闌頽然一榻倦衣冠客方接話俄辭
起書未終編已輟看架壞儘教花卧薜砌荒亦任草
侵蘭力求香火非無意疎散明知涉事難

送沈僩考亭門人

建學多通顯何為尚布衣不聞行聘久始悟設科非
落日君尋店深山我掩扉幾時殘燭下重聽講精微

紫薇花

風標雅合對詞臣映硯窺窓伴演綸忽發一枝深谷
裏似知茅屋有詩人

書第二考一首

遙領叢祠又一年何功月請水衡錢江南塞北雖無
分林下山間尚有綠兵去未妨行酒令印收不礙掌
詩權祇嫌海嶠登臨少夢繞朱陵紫蓋邊

送鄭君瑞知閩清

茲邑猶淳古君行作長官假令三尺密終有一分寬
粟里歸差易桐鄉愛極難千峯青繞郭暇日想憑欄

貓捕燕

文采如彪膽智非畫堂巧伺燕雛微梁空賓客來俱
訝巢破雌雄去不歸鶯閉深籠防鷲性蝶飛高樹遠
危機主人置在花塋上飽卧徐行自養成

次方寺丞方湖韻

晚來吉語到茅簷太華詩翁約泛蓮况有鄒枚同預
譙可能李郭獨如仙帝猶給我還山俸天不需人買
月錢揮手闖門冠蓋客急歸勿攪甕間眠

鄰家孔雀

初來毛羽錦青葱今與家雞飲啄同童子有時偷剪

翅主人常日少開籠嶠南歲月幽囚裏隴右山川夢
寐中因笑世間真質錯繡身翻得上屏風

答傅監倉

少豪頗似括談兵老去方慙理未明窓下殘書千遍
讀卷中一字幾回更撚髭人盡嗤吾拙歎血誰當豫
此盟肯咬菜根抄脫粟許君十載共經營

蟾蜍硯滴

鑄出爬沙狀兒童競撫背如干歲者腹奈一輪何
器較餅罌小功於几硯多所盛涓滴水後世賴餘波

讀崇寧後長編

自入崇寧政已荒由來治忽繫毫芒初為御筆行中
旨漸取兵權付左璫玉帶解來放貴倖珠袍脫下賜
降卷諸公日侍鈞天燕不道流入死瘴鄉

二

陳迹分明斷簡中纔看卷首可占終兵來尚恐妨恭
謝事去徒知悔夾攻丞相自言芝產第太師頻奏鶴
翔空如何直到宣和季始憶元城與了翁

午憲

恩賦支離粟一囊午憲卧看世人忙東家學究窮於
我六月褒衣上講堂

書感

仲尼已沒世無師新學專門各自私死守不為它說
勝秘藏似恐外人窺欲招程子看通典兼起歐公講
繫辭浩歎邇來者舊盡緒言分付與群兒

答客

誰謂貧難忍三年閉戶居老兵能合藥小僕會抄書
白髮羞彈缺青山去荷鉏既於吟得趣功業合乘除

邛杖

珍重邛山鶴膝枝十年南北慣携持扶登石壁寧嫌
峻拄過溪橋肯避危昔涉畏途麾不去今行平地棄

如遺主人尚要防衰老會有重拈入手時

寄泉僧真濟

師遠於醫者聞諸諫議然若非禪性悟必有脉書傳
藥貴逢人施方靈尅日痊西風餅錫冷儻肯訪沈綿

羊毫筆一首

拔到髯生族多因兔穎稀只宜茅舍用難向玉堂揮
弄翰虛名似吹毛本質非免曹貪價賤鷓鴣掃如飛

空村

棄置在空村浮名豈復論因思戎服窄方悟緼袍尊
城遠雞司曉家貧犬守閭常憐劉越石辛苦戍并門

題齋壁

浩如烟海積如山紙上陳人叫不還白首書生無事
業一生精力費窻間

題繫年錄

炎紹諸賢慮未精今追遺恨尚難平區區王謝營南
渡草草江徐議北征徃日中丞甘結好暮年都督始
知兵可憐白髮宗留守力請鑿輿幸舊京

晚出

晚出別村幹夜深徒步歸飯猶懸早稼衣尚在鄰機
闕塞秋防急田園歲入微喟然投耒嘆事事與心違

伏日

屋山竹樹帶疎蟬淨掃風軒散髮眠老子平生無長
物陶詩一卷枕屏邊

自警

筆枯硯燥自傷悲文體全闕氣威衰倚馬縱難揮萬
字騎驢尚足課千詩奉盤誰可推盟主撼樹又方謗
老師疑有更深於此者入山十載試精思

詠鄰人蘭花

兩盆去歲共移來一置雕欄一委苔我拙事持令葉
瘦君能調護遣花開隸人挑蠹還千匝稚子澆泉走

幾迴亦欲效顰耘小圃地荒終恐費栽培

夏夜

熱極不可度起行林影中開窓需過月移簟就來風
豪鼠喧深夜高蟬響半空永言時物變露已濕莎叢

書田舍所見

漠漠晴埃起遠疇占相雲日幾家愁細民方慮填中
壑巨室何心堰上流斬水由來基小釁澆爪誰為解
私仇寧知送老茅簷下猶抱書生畝畝憂

郊坰

所住在郊坰田園事遍經淺溝晴後塞高隴雨餘青

屋潤鄰翁富祠新社鬼靈南州無酒禁十戶九旗亭
客過

客過柴門歎寂寥旋挑野菜拾風樵無錢輟贈開衣
菱有病來求採藥瓢偶憩荒郊思種樹每逢斷澗欲
營橋書生一念終迂澗猶閑蒼黔與肖翹

孟浩然騎驢圖

壞墨殘緘閱幾春灞橋風味尚如真摩挲只可誇同
社裝飾應難奉貴人舊向集中窺一面今於畫裏識
前身世間老手惟工部曾伏先生句句新

有興

有興駕柴車無心起草廬淺傾家釀酒細讀手抄書
門巷慵耘草園籬課種蔬雖非黃叔度未易得親疎

聞笛

少年毬馬逐秋風笛起連營響裂空今夕夢回村墅
冷一枝孤奏月明中

二

初如廢將哭窮邊又似孤臣訴左遷何必謝公雙淚
落野人听罷亦悽然

健忘一首

昏昏健忘廢專精默坐空齋忽自驚少作回看如兩

手舊書重讀似前生却疑安世知三篋不曉睢陽記
一城莫怪詩成呼燭寫曉寤追憶欠分明

宿庄家二首

初秋風露變偶出憇庄家原稼多全穗波荷有晚花
疎鐘踰澗響微月轉林斜却媪頭如雪燈前自續麻

二

茅茨迷詰曲度谷復踰陂世上事如許山中人不知
牛羊晴卧野鵝鷺晚歸池粗識為農意秋輸每及時

妄想

妄想如冰已盡消朱顏日向鏡中凋玉關萬里曾投

筆草市三家却負樵弱水古來無路到小山歲晚有
人招吾廬寂寂何須笑君看閑僧住退寮

白社迂客一首

貧食官倉不自由強扶衰病坐荒郵送迎不是祠官
事偶見青山急下頭

七月九日

海激天翻電電噴蒼松十丈劈為薪頰使龍卷他山
去誤殺田頭望雨人

二

樵子俄從問路迴因言溪谷響如雷分明雨怕城中

去只隔前峯不過來

夢賞心亭

夢與諸賢會賞心恍然佳日共登臨酒邊多說烏衣
事曲裏猶殘玉樹音江水準山明歷歷孫陵晉廟冷
沉沉曉鐘呼覺俱忘却獨記千門柳色深

郊行

一雨餓殘熱忻然思杖藜野田沙鶴立古木廟鴉啼
失僕行迷路逢樵負過溪獨游吾有趣何必問栖栖

懷友

老鶴孤飛久失群天涯懷友寸心勤狂生似臆寧堪

近佳士如香故可熏無復拏舟乘大雪有時倚杖送
停雲秋來迳草深三尺誰伴青燈緝舊聞

辛落

牢落吾何限先賢未免窮寧為田舍子不作國師公
螢影穿窻隙蛩聲出壁中殘書殊有味讀到角吹終

跋方雲臺文藁二十韻

文人何瑣碎夫子獨雄尊擊水移南海追風出大宛
黑潭龍怒起碧宇鶻孤騫翕留波濤湧須臾電雹奔
筆鋒山突兀墨瀋雨傾翻軒豁青天露淒迷白晝昏
至微該草樹極大括乾坤金鼓條侯壁旌旗渭上屯

聚如群玉圃散似建章門
覽岱親臨頂窮河直至源
檄書傳絕漢詩句落中原
猛虎堪鬚將修鯨可氣吞
寂寥時數語浩蕩或千言
神與經營力誰窺斧鑿痕
流行通象桂模刻遍湘沅
欲棟皆逢寶將芟不見繁
居然開突奧詎肯闔籬藩
坎井疑天大溪流笑海渾
不妨兒輩撼姑付後人
論拙詠雖卑弱因公儻並存

雲

農家望汝卜年豐似絮如峯
陡不同縱有濃陰工閤
雨畧無定態喜隨風
性來與月為仇敵
舒卷和天盡
蔽蒙安得疎身騰汗漫
叫開閭闔掃長空

樓冠

羽士過門賣新翻
樣愈奇堅如龜屋製
精似鹿胎為
印杖杖相稱唐衣
戴最宜笑他蟬冕
客憂畏白鬚眉
方寺丞招宿瀑上不果

詩境樓觀月

久與瀑泉踈勞公下檄書
極知居陋巷不似宿精廬
奴客辭看犢鄰人畏借驢
何時兒子壯聊為舉籃與
人世應無第二樓
暮雲飛不到簾鈎未開
寶鑑青冥裏先湧冰輪
碧海頭白似雪濤翻
赤壁紅如夜日出
羅浮酒醒何處吹橫玉
徑欲乘風萬里游

野望

稍有西風起孤筇扶自隨名山多着寺古木必為祠
鳥過投林急樵歸度嶂遲相尋惟有月搔首待移時

西涼山觀雨

與客同登萬仞崖蔽天風雨薦然來六丁白晝誅炎
魃百恠蒼淵起蟄雷毒蟒噴時林盡黑怒龍裂處石
中開吾生不及觀河決得賦斯遊亦壯哉

宿山中十首

城中人怪我清且賣芒鞋君若知其趣還應日日来

其二

玉轡上沙堤金鞍戍磧西何如寒澗底落日蹇驢嘶

其三

就泉為碓屋系石作書龕有意耕汾曲無心起水南

其四

市脯店猶遠刈芻人未歸夜深語童子且掩半邊扉

其五

路危防陟遠溪黑阻窮深涼月如高士頻招未出林

其六

巖僧殊好事絕頂廟龍君勿笑一泓水能生六合雲

其七

崖居供給少不用犬防籬只恐偷兒點來窺壁上詩

其八

山中無價寶月色與泉聲莫向貴人說將為有力爭

其九

玉筋篆文古銀鉤楷法精得知千載下時有打碑聲

其十

淒風轉林杪露坐感衣單不道山中冷翻憂世上寒

七月二十日自瀑上先歸方寺丞遺詩夸雷

雨之壯次韻一首

城裏遙看雨出時想公筆墨發雄奇山深龍虎飛騰

變海運鯤鵬瞬息移凜凜前鋒如赴敵堂堂迴勢似
歸師驅還始悟山靈意怕向蒼崖寫惡詩

秋望

暮色蒼然上野臺廢塘尚有數荷開望中愛殺城南
柳只怕風霜一夜來

二

舍南舍北種芙蓉及到秋來次第紅自是詩人才思
窘清風明月有何窮

村校書

短衣穿結半瓢空所住茅簷僅蔽風久誦經書皆默

記試挑史傳亦旁通青燈窓下研孤學白首山中聚
小童却羨安昌師弟子只談論語至三公

聖賢

聖賢自收極卑謙後學才高膽力兼悔賦不妨排賈
誼謗詩遂至劾陶潛御史見政和取人最忌規模狹絕
物常因議論嚴君看國風三百首小夫賤隸採何嫌

懷李敬子

此士今徐孺柴扉肯妄開空聞羔雁去不見鳳麟來
廬阜尋僧出東湖赴講迴何由操杖履林下再相陪

華巖知客寮

簷外蒼榕六月秋小年來此愛深幽壞墻螢出如漁
火古壁蜂穿似射侯涉世昏昏忘舊語入山歷歷記
前游故人埋玉僧歸塔獨聽疎鐘起暮愁第四句亡女趙仲白
所作今補足之

聞黃德常除德安倅

幕下相從若弟兄當年曾悔誤談兵足行江北生重
趺髮為山東白幾莖病擁琴書專一壑老携檄筆赴
孤城暮雲不見關山路空有天涯故舊情

閑居即事

性偶安林藪元非慕獨清米從仁祖乞粟是伯夷耕

廢井通鄰汲深墻隔市聲却因虛澹極亦自覺身輕

自勉

海濱荒淺幼無師前哲藩籬尚未窺元詠易流西晉
學苦吟不脫晚唐詩遠僧庵就勤求記叵友墳成象
索碑天若假余金石壽所為詎肯止於斯

少日

少日關河要指呼晚歸田里似囚拘氣衰不敢高聲
語腕弱纔能小楷書座有老兵持共飲路逢醉尉避
前驅子元兄弟何為者自是嵇康處世疎

貧病

默默守柴荆人間事頗更病方知養性貧始欲謀生
尚有狂奴態元無老婢聲邇來塵慮盡勿恠小詩清

示同志一首

滿身秋月滿襟風敢嘆栖遲一壑中除目解令丹灶
壞詔書能使草堂空豈無高士招難出曾有先賢隱
不終說與同袍二三子下山未可太匆匆

第 35406 号
 平成 3. 11. 22
 聖和学 928
 園短大 3
 図書館 1

後村先生大全集卷之四


後村先生大全集

則石堂

及村先生全集卷之四

号	22428	藥
	SP 11 E	點平
545	學	味 聖
日	大	賦 圓
1	餘	書 圓

秀



928
コ
2

後村先生大全集

二



後村先生大全集卷之五

詩

和方孚若瀑上種梅五首

仙翁小試春風手高拂茅簷矮映窓
選勝多依巖罅種愛奇或併樹身扛海山
大士寒蒙初月殿仙姝夜擁幢商略此
花宜茗飲不消銀燭綵纏缸

二

天賜梅花為受用續紛玉雪被層砒
素芳林下起羣品繁蕊枝頭巧疊雙
隴月照時霜剪剪澗風吹處水淙淙
主人筆力迴元化催發何須杖鼓腔

